

Pa bo salud!

E MENSAHE MORAL TRAS DI TRANSMISION SEXUAL

Nada den e reciente decadan a bula den un swing liber di actitudnan sexual y estilonan di bida - y cu lo continua di sigui asina - mas cu e incurable enfermedad cu ta bini door di transmision sexual.

E enfermedadnan venerea (malea di caya) ya conoci pa masha hopi aña, tal manera gonorea (drip) y syphilis (shanky) no a confronta asina tanto contagiamento. Tabatin algun tipo di remedi posibel pa cura esakinan.

Pero durante e decada 70 un tipo nobo di enfermedad venerea, manera herpes genital di golpi a explota den un full swing di epidemia. Ningun remedi por a cura esaki, un enfermedad di hopi sufrimento. Pero mientras cu Herpes a bin haci hopi hende di ta mas cauteloso, symptomnanan tabatin posibilidad pa trata esaki, y masha poco tabatin resultadonan fatal.

Despues a bini tempran den e decada 80, oficialnan di salubridad a keda sorprendi y preocupa alaves pa descubri cu un fuera di reconocimiento bacteria yama Chlamydia tabata e causa talvez dos of tres biaha di asina tanto casonan di inflamacion cu gonorea y mas esterilidad. Penicilina lo no stop a e pathogen aki. Tabata tin mester di fuerte y costoso antibiotico pa combati esaki.

Durante e mesun periodo aki, e oficialnan di Salubridad a haya nan confronta cu e virus-causante- despues yama Acquired Immune Deficiency Syndrome (AIDS) - cu a rementa for di scuridat entre e homosexualnan y e abusadornan di droga pa medio di inyecta esaki den nan venanan.

Nunca antes experiencia humano tabatin un transmision di enfermedad pa medio di sex cu ta destrui e sistema inmune di un persona cu ser infecta, lagando esaki sin forza pa contra otro infeccionnan y enfermedadnan. Y asina pa prome biaha den historia moderno, humanidad ta haye confronta cu un incurable, transmision sexual cu aparentemente tin un 100 por ciento di fatalidad, unavez cu e simptomnanan aparece y cuminsa progresa den e curpa. For di 1981 esaki a plama cu resultadonan fatal den un forma mundial.

Y asina rapido y sin defensa AIDS a spart tur caminda den algun poblacion cu e oficialnan di salubridad a cuminsa constata cu, cada persona cu haya nan mes den relacion sexual extramarital, homosexual o bisexual, esta den e sex actividadnan aki-hunto cu nan socio sexual, y tur e abusadornan di droga (y nan partner sexual) cu comparti e angua o ricibi inyeccion no bon sterilisa sea na dokter, dentista o hospital ta potencialmente na riesgo di AIDS.

Ta ser calcula cu no prome cu aña 1990 lo no tin un vacuna preventivo posible, pero ya nos ta den 1992 y esaki tampoco a yega ainda na realidad. Pues no mata bo mes pa un rato di placer. No busca afor loke bo mes tin na cas!

MR. LIN KOOLMAN TA BIRA GOBERNADOR

ORANJESTAD (AAN): Finalmente a bira conoci cu Mr. Lin Koolman ta bay bira gobernador di Pais Aruba.

Fuentenan yega na DIARIO for di Hulanda a duna di conoce cu Gobierno Hulandes, Gobierno di Aruba y Reinado lo a bay di acuerdo pa nombra Mr. Lin Koolman como e di segundo Gobernador di Pais Aruba.

E fuente a sigui relata cu tabata tin 3 nomber riba e lista aki, y e otro nan tabata Mr. Arie Swaen y Mr. Epy Wever.

E ultimo aki tabata e unico cu tabata tin experiencia riba tereno gubernamental ya cu e lo a yega di ocupa puesto como secretario di gobierno Arubano.

Pero segun informe, por a saca afo cu e candidato di Gobierno di Aruba ta Mr. Lin Koolman. Dentro di poco e lo tin cu viaha pa Hulanda caminda e lo huramenta como gobernador di Aruba.

Esaki lo tuma lugar segun e protocol for di man di La Reina Beatrix, caminda e Gobernador nobo lo tin cu

huramenta cu e lo keda fiel na Casa Real.

Mientras tanto Gobernador Felipe Tromp lo sali pa despedi di su funcion cu el a ocupa algo mas cu 6 aña.

Pa principio di otro luna Mr. Lin Koolman lo mester ta den funcion. No ta conoci si Mr. Max Croes lo sigui

ocupa e puesto como gobernador interino.

Segun fuentenan digno di credito, Mr. Max Croes semper a sali di sobresali den e funcion como gobernador interino y hopi ta esnan cu a kere cu e lo tabata e candidato fuerte cu lo a bira gobernador di Aruba.

ATIA A TUMA DESPEDIDA DI GOBERNADOR FELIPE TROMP

ORANJESTAD (AAN): Den e luhoso L'Escafe Restaurant di Sonesta Hotel & Beach Club Aruba a tuma lugar Diamars merdia un almuerzo di despedida ofreci pa Directiva di Aruba Trade & Industry Association (ATIA) na Su Excelencia Gobernador Felipe Tromp.

Na e ocasion aki Presidente di ATIA Hans Schnog a dirigi palabranan di elogio na e mandatario saliente cu kende e organizacion durante e seis añanan di su mando tabata tin excelente relacion.

Schnog a expresa den nomber di e comunidad comercial

admiracion y aprecio pa forma den cual e Gobernador a ehecuta su tarea y a desea cu Gobernador Tromp lo por goza hopi aña di un pensioen bon mereci.

E Gobernador na su turno a gradici pa e bunita palabranan, bon deseo y recuerdo cu a keda presenta den forma di un yabero di oro. Adema di e Directiva y Staff di ATIA, tambe a participa na e almuerzo e miembronan di Kabinete di Gobernador B. Nieuwenhuizen, J. van Klaveren, y tambe e adjudant Majoor T. Quant.

Cas na Savaneta
2 Kamber
1 Baño
Cu bista 120.000,-
riba lamar

Cas nobo na
Tanki Leendert
4 camber
3 baño
cu piscina, lo worde
entrega dentro di
2 luna.
Afl. 320.000,-

Complex di
6 apartamento
completamente
muebla
Afl. 280.000,-

Terenonan
verkaveld di
diferente tamaño
na Catiri di Afl.
35 /m2 (tereno
propio)
posiblemente cu
mapanan haci
caba pa mas
prijs.

tereno di 10.500 m2
na Santa Lucia.
Bunita situa cu
bista tur rond
di vecindario
tranquilo.
Afl. 18,- /m2

Fundeshi di un cas di
dos piso situa na Bakval,
cu mapa y tur
permisionan.

Teren na Paradera
di +- 550 m2 den
verkaveling di
asfalt cu luz.
Afl. 32.000,-

Cas di 2 piso na
Bakval 4 camber
3 baño
Afl. 300.000,-



PHS TECHNICAL CONTRACTING AND TRADING COMPANY N.V.

Gevraagd voor onmiddellijk in dienst treding:

- ELECTRICIENS

(moet zelfstandig kunnen werken)

- AANKOMEND ELECTRICIENS

- LEERLING ELECTRICIENS